

REPÒRT 35/2023

ELECCIONS
ATH CONSELH
GENERAU
D'ARAN DER
AN 2023

REPÒRT 35/2023

**ELECCIONS
ATH CONSELH
GENERAU
D'ARAN DER
AN 2023**

Edicion: deseme de 2023

Document electronic etiquetat entà persones damb incapacitat visuau

Pagines en blanc inserides tà facilitar era impressio a dobla cara

Autor e editor:

Sindicatura de Compdes de Catalonha
Via Laietana, 60
08003 Barcelona
Tel. +34 93 270 11 61
sindicatura@sindicatura.cat
www.sindicatura.cat

Publicacion subjècta a depaus legau d'acòrd damb çò que prevé eth Reiau decret 635/2015, deth 10 de junhsèga

INDÈX

ABREVIACIONS.....	6
1. INTRODUCCION.....	7
1.1. OBJÈCTE E PORTADA	7
1.2. METODOLOGIA	7
1.3. NORMATIVA APLICABLE	8
2. RESULTATS DERA FISCALIZACION	8
2.1. ASPÈCTES DE VERIFICAR.....	8
2.2. RESULTATS ELECTORAUS.....	11
2.3. SUBVENCIONS ELECTORAUS	11
2.3.1. Montant maxim dera subvencion	11
2.3.2. Avançaments des subvencions.....	12
2.4. DESPENES ELECTORAUS.....	14
2.4.1. Limit de despenes per operacions ordinàries e remesa electorau subvencionable	14
2.4.2. Soslimits de despenes ordinàries.....	15
2.5. REGULARITAT DES COMPTABILITATS ELECTORAUS	15
2.5.1. Unitat d’Aran – Partit des Socialistes de Catalonha.....	16
2.5.2. Convergència Democratica Aranesa – Partit Nacionalista Aranés	19
2.6. SUBVENCIONS AS ELECCIONS ATH CONSELH GENERAU D’ARAN DETH 26 DE MAI DETH 2019	23
3. CONCLUSIONS	24
3.1. OBSERVACIONS.....	24
3.2. RECOMANACIONS.....	26
4. TRAMIT D’ALLEGACIONS	26
4.1. ALLEGACIONS RECEBUDES	26
4.2. TRACTAMENT DES ALLEGACIONS	29
APROBACION DETH REPÒRT	29

ABREVIACIONS

CDA-PNA	Convergència Democràtica Aranès – Partit Nacionalista Aranès
DP	Departament de la Presidència
LOREG	Lei orgànica 5/1985, de 19 de juny, de règim electoral general
UA-PSC	Unitat d'Aran – Partit dels Socialistes de Catalunya

1. INTRODUCCION

1.1. OBJÈCTE E PORTADA

Era Sindicatura de Compdes, coma organ fiscalizador deth sector public de Catalonha, d'acòrd damb era normativa en vigor e en compliment deth sòn Programa annau d'activitats, emet aquest repòrt de fiscalizacion des eleccions ath Conselh Generau d'Aran que se debanèren eth 28 de mai deth 2023.

Aquest repòrt s'emèt en tot tier en compde çò que dispausen es articles 133 e 134 dera Lei organica 5/1985, deth 19 de junh, deth regim electorau generau (LOREG) e er article 6 deth Decrèt 64/2023, deth 28 de març, que regule es subvencions e eth contraròtle dera comptabilitat electorau enes eleccions ath Conselh Generau d'Aran deth 2023 (en tà deuant, Decrèt 64/2023).

Er objècte d'aquest repòrt ei prononciar-se sus era regularitat des comptabilitats electoraus presentades pes formacions politiques qu'an obtengut representacion en Conselh Generau d'Aran e, en cas de trapar-i irregularitats d'acòrd damb era Instruccion aprovada eth 25 d'abriu deth 2023 peth Plen dera Sindicatura de Compdes, prepausar era non adjudicacion o era reduccion dera subvencion electorau.

1.2. METODOLOGIA

Eth trabalh de fiscalizacion des comptabilitats electoraus s'a amiat a tèrme laguens der encastre normatiu des procèssi electoraus e d'acòrd damb es principis e normes internacionaus de fiscalizacion deth sector public generaument acceptadi e a includit totes aqueres pròves, de compliment e substantives, que s'an considerat de besonh entà obtier evidéncias sufisentes e avientes entà poder exprimir es conclusions que s'expausen en repòrt.

Compde tengut que Catalonha non dispause d'ua lei electorau pròpria, en tot tier en compde çò qu'establissen era LOREG e eth Decrèt 64/2023, e entà omogeneïzar era interpretacion des obligacions legaus d'ingrèssi e despenes electoraus e establir quines irregularitats pòden originar ua prepausa de reduccion dera subvencion electorau o era sua sòn non adjudicacion, eth Plen dera Sindicatura deth 25 d'abriu deth 2023 aprovèc era Instruccion entà contrarotlar era comptabilitat electorau des eleccions ath Conselh Generau d'Aran deth 28 de mai deth 2023.

Coma limitacion ara portada deth trabalh realizat cau destacar qu'era Sindicatura de Compdes a revisat unicament es ingrèssi e es despenes electoraus declaradi pes formacions politiques objècte d'aquest repòrt e non era possible existéncia de despenes electoraus non registrades enes comptabilitats presentades. Ua revision completa des despenes e

des ingreèssi electoraus des diferentes formacions politiques exigirie ua fiscalizacion de tota era activitat economicofinancèra ordinària d'aguestes formacions.

1.3. NORMATIVA APLICABLE

Es normes reguladores basiques des eleccions ath Conselh Generau d'Aran deth 2023 son es següentes:

- Lei organica 5/1985, deth 19 de junh, deth regim electorau generau (LOREG).
- Lei organica 8/2007, deth 4 de junhsèga, sus finançament des partits politics.
- Lei 18/2010, deth 7 de junh, dera Sindicatura de Compdes de Catalonha.
- Lei 1/2015, deth 5 de hereuèr, deth regim especiau d'Aran.
- Lei organica 3/2015, deth 30 de març, de contraròtle dera activitat economicofinancèra des partits politics, que modifique era Lei organica 8/2007, deth 4 de junhsèga, sus finançament des partits politics, era Lei organica 6/2002, deth 27 de junh, de partits politics, e era Lei organica 2/1982, deth 12 de mai, deth Tribunal de Compdes.
- Decrèt 62/2023, deth 28 de març, de convocacion des eleccions ath Conselh Generau d'Aran deth 2023.
- Decrèt 63/2023, deth 28 de març, de normes complementàries non economicas entara celebracion des eleccions ath Conselh Generau d'Aran deth 2023.
- Decrèt 64/2023, deth 28 de març, que regule es subvencions e eth contraròtle dera comptabilitat electorau enes eleccions ath Conselh Generau d'Aran deth 2023.
- Resolucion 77-2023, que hè public er Acòrd deth Plen dera Sindicatura de Compdes relatiu ara Instruccion entà contrarotlar era comptabilitat electorau des eleccions ath Conselh Generau d'Aran deth 28 de mai deth 2023, publicada en *Diari Oficial de la Generalitat de Catalunya* deth 3 de mai deth 2023.

2. RESULTATS DERA FISCALIZACION

2.1. ASPÈCTES DE VERIFICAR

Es aspèctes qu'era Sindicatura a tengut en compte entà verificar eth compliment dera normativa aplicable se pòden concretizar enes punts següenti:

Verificacions formaus

- Era comptabilitat electorau s'a de presentar ara Sindicatura de Compdes enter es 100 e es 125 dies posteriors as eleccions d'acòrd damb er article 133 dera LOREG.
- Era comptabilitat electorau s'a de presentar mejançant era sedença electronica dera Sindicatura de Compdes e d'acòrd damb çò que dispause era Instruccion entà contrarotlar era comptabilitat electorau des eleccions ath Conselh Generau d'Aran.
- Era documentacion comptable e justificativa a d'èster corrèctament formalizada e presentar coeréncia intèrna.
- Totes es candidatures an d'auer un administrador electorau responsable de toti es ingressi e despenes dera candidatura e dera sua comptabilitat.

Recorsi dera campanha electorau

- Es administradors an de comunicar ath Conselh Electorau es compdes dubèrts entà reuèctar hons. Toti es hons destinadi a sostar despenes electoraus, sigue quina sigue era procedèncià, s'an d'ingressar en aguesti compdes.
- Es titulars des aportacions des hons an d'èster identificadi.
- Cap persona fisica o juridica pòt aportar mès de 10.000,00 €.
- Non pòt auer-i aportacions de hons provenenti d'organismes publics ne d'enterpresa vinculada ath sector public, a excepcion des subvencions electoraus comentades en apartat 2.3 d'aguest repòrt. Tanpòc pòt auer-i aportacions provenentes de persones estrangèras.
- Era subvencion electorau corresponenta a cada formacion politica non pòt despassar eth montant des despenes electoraus declarades e justificades.

Despenes electoraus

- Es despenes electoraus s'an d'auer efectuat enter eth dia dera convocacion des eleccions e eth dia dera proclamacion des elegidi, e an d'èster convenientament justificades.
- Era natura dera despena electorau a d'èster includida enter es concèptes següenti:
 - Confeccion de envolòpes e bulletins de vòt.
 - Propaganda e publicitat dirèctament o indirèctament adreçada a promòir eth vòt as sues candidatures, sigue quina sigue era forma e eth mejan que s'utilize.

- Loguèr de locaux entara realizacion d'actes electoraus.
- Remuneracions o gratificacions ath personau non permanent que rend servicis as candidatures.
- Mejans de transpòrt e despenes de desplaçament des candidats, des dirigents des partits, associacions, federacions e coalicions e deth personau ath servici dera candidatura.
- Correspondéncia e afranquiment.
- Interèssi des crèdits recebudi entara campanha electorau.
- Despenes que siguen de besonh entara organizacion e foncionament des burèus e servicis que calguen entàs eleccions.

Verificacion des limits de despena

- S'a de respectar eth limit maxim de despenes electoraus des formacions politiquas que concorren as eleccions.
- S'an de complir es limitacions establides per çò qu'ei de despenes de publicitat exteriora e de publicitat en premsa periodica e emissores de ràdio.

Tresauraria de campanha electorau

- Es administradors electoraus an era obligacion de comunicar ath Conselh Electorau es compdes corrents dubèrts entà requèstar hons e entà hèr es pagaments dera campanha electorau.
- Cau verificar eth compliment deth limit temporau sus era dispausicion des hons des compdes corrents. Un viatge acabada era campanha electorau solament se pòt dispausar des resultats d'aguesti compdes entà pagar es despenes electoraus contractades prealabament, enes 90 dies següenti as dera votacion.

Compliment per part de tresaus des obligacions previstes en article 133 dera Lei organica 5/1985, deth 19 de junh, deth regim electorau generau

- Es enterpreses qu'agen facturat, as formacions politiquas objècte d'aguest repòrt, despenes electoraus de mès de 10.000,00 € ac an de comunicar as organs de contraròtle extèrn.
- Es entitats financèras an era obligacion de comunicar as organs de contraròtle extèrn era concession de prèsti destinadi a despenes electoraus.

2.2. RESULTATS ELECTORAUS

Aran ei reconeishut per Estatut d'autonomia de Catalonha coma entitat territorialu singulara formada pera agropacion de 6 circoscripcions, que corresponen as 6 terçons istorics, damb personalitat juridica pròpria e plea capacitat e autonomia entara gestion des interèssi pròpris dera comunitat politica que represente, qu'exercís mejançant eth Conselh Generau d'Aran.

Eth Conselh Generau d'Aran ei integrat per 13 conselhèrs generaus elegidi per sufragi universau enes eleccions ath Conselh Generau d'Aran.

D'acòrd damb er Edicte deth 5 de junh deth 2023 deth Conselh Electorau Provinciau de Lhèida, que hè publics es resultats corresponents ara proclamacion d'elegits publicada en *Diari Oficial de la Generalitat de Catalunya*, es resultats des eleccions ath Conselh Generau d'Aran deth 28 de mai deth 2023 sigueren es següenti:

Quadre 1. Resultats electoraus des eleccions ath Conselh Generau d'Aran deth 28 de mai deth 2023

Candidatura	Resultats electoraus	Vòts computables	Conselhèrs
Unitat d'Aran - Partit des Socialistes de Catalonha (UA-PSC)	2.279	2.279	9
Convergència Democratica Aranesa- Partit Nacionalista Aranés (CDA-PNA)	1.626	1.358	4
Aran Amassa - Acòrd Municipau	498	-	-
Partit Renovador Arties-Garòs	91	-	-
Vòts en blanc e nulli	259	-	-
Totau	4.753	3.637	13

Hònt: Elaboracion pròpria a compdar der Edicte deth 5 de junh deth 2023 deth Conselh Electorau Provinciau de Lhèida.

2.3. SUBVENCIONS ELECTORAUS

2.3.1. Montant maxim dera subvencion

Eth Decrèt 64/2023 establís es normes següentes entà determinar era subvencion corresponenta as despenes electoraus:

- Un montant de 291,84€ per cada conselhèr o conselhèra elegida.
- Un montant de 0,58€ per vòt arthenhut per cada formacion politica enes circoscripcions electoraus a on aumens un membre age estat proclamat conselhèr o conselhèra.
- Un montant de 0,23€ per cada elector d'ua circoscripcion electorau a on era formacion politica age arthenhut un conselhèr o conselhèra elegit, pes despenes originades pera

remesa dirècta e personau as electors des envòlpes e es bulletins de vòt, o de propa-ganda e publicitat electorau (d'ara tà deuant remesa electorau), cada viatge qu'era forma-cion política age presentat listes en totes es circoscripcions deth territòri d'Aran.

D'acòrd damb era normativa electorau, eth montant des despenes per remeses electoraus qu'era subvencion a percéber non curbisque incrementarà, a toti es efèctes, es despenes declarades pera activitat ordinària.

En tot aplicar aquestes normes es montants maxims des subvencions electoraus sigueren es següenti:

Quadre 2. Montants maxims des subvencions electoraus

Formacion politica	Per conselher (A)	Per vòts (B)	Per remesa electorau (C)	Totau (A+B+C)
UA-PSC	2.626,56	1.321,82	1.681,07	5.629,45
CDA-PNA	1.167,36	787,64	1.451,07	3.406,07
Totau	3.793,92	2.109,46	3.132,14	9.035,52

Montants en èuros.

Hònt: Elaboracion pròpria.

En calcul dera subvencion per vòts non se computen es obtengudi per aqueres formacions politiquas que non an obtengut representacion. Es formacions Aran Amassa - Acòrd Muni-cipau e Partit Renovador Arties-Garòs non an dret a subvencion pr'amor que non obten-gueren representacion.

Es formacions Unitat d'Aran – Partit des Socialistes de Catalonha (UA-PSC) e Convergència Democratica Aranesa – Partit Nacionalista Aranés (CDA-PNA) an dret a recéber subvencion pera remesa electorau per çò que presentèren listes en totes es circoscripcions dera Val d'Aran, ei a díder, enes 6 terçons.

2.3.2. Avançaments des subvencions

Eth Decrèt 64/2023 establís qu'eth Departament dera Presidència (DP) pòt concedir avan-çaments as partits politics, federacions, coalicions o agropacions coma avança des subven-cions que les corresponen pes despenes electoraus qu'agen agut.

Eth montant d'aguesti avançaments non pòt èster superior ath 30 % dera subvencion que percebec eth madeish partit, federacion, coalicion o agropacion enes eleccions ath Conselh Generau d'Aran der an 2019.

Solament eth partit politic UA-PSC sollicitèc, laguens deth tèrme establít, era concession der avançament deth 30 %, per 1.227,67 €. Eth 30 d'abriu deth 2023, era secretària generau deth DP resolvec autorizar eth pagament d'aguest avançament.

Eth decret mencionat tanben establís que, laguens deth tèrme de 30 dies naturaus posteriors ara presentacion dera comptabilitat deuant dera Sindicatura de Compdes, er organ competent a de dictar era resolució d'autrejamet dera subvenció electorau e a de pagar as formacions politiquas que l'agen de percéber un avançament deth 90 % deth montant des subvencions que les corresponen d'acòrd damb es resultats electoraus des escrutinhs, publicadi en *Diari Oficial de la Generalitat de Catalunya*, en tot descompar, s'esquè, es avançaments autrejadi prealablament.

Entàs subvencions per remeses electoraus, se pren coma basa era que comuniquè era Sindicatura de Compdes coma despena declarada pera formacion politica en aquest concèpte, sens prejudici deth montant des despenes finaument justificades.

Era informacion remesa iniciaument pes formacions politiquas coma despena per remesa electorau, e comunicada ath DP entara tramitacion des avançaments electoraus siguec de 1.509,90 € per UA-PSC e de 0,00 € per CDA-PNA, montants inferiors ara subvenció maxima que poderie correspóner per aquest concèpte.

Quadre 3. Montants maxims des subvencions electoraus e montants declaradi per remesa electorau

Formacion politica	Montant maxim		Declarat per remesa electorau (C)	Totau (A+C)
	Per resultats (A)	Per remesa electorau (B)		
UA-PSC	3.948,38	1.681,07	1.509,90	5.458,28
CDA-PNA	1.955,00	1.451,07	0,00	1.955,00
Totau	5.903,38	3.132,14	1.509,90	7.413,28

Montants en èuros.

Hònt: Elaboracion pròpia.

Posteriorament ara comunicacion ath DP, era formacion CDA-PNA declarèc qu'era informacion iniciau ère erronèa e era despena per remesa electorau efectivament realizada siguec de 7.667,70 €, rectificacion que non podèc èster recuelhuda en calcul des avançaments tramitadi.

Es montants dera subvenció electorau maxima e des avançaments calculadi peth DP siguèren es següenti:

Quadre 4. Avançaments maxims des subvencions electoraus

Formacion politica	Subvenció maxima (A)	Avançament 90 % (B)	Avançament 30 % (C)	Fidança (D)	Pagament (B-C-D)
UA-PSC	5.458,28	4.912,45	1.227,67	491,25	3.193,53
CDA-PNA	1.955,00	1.759,50	-	175,95	1.583,55
Totau	7.413,28	6.671,95	1.227,67	667,20	4.777,08

Montants en èuros.

Hònt: Elaboracion pròpia.

Er article 5.3 deth Decrèt 64/2023 establís que, entà poder percéber er avançament deth 90 %, es formacions politiquas an de presentar era certificacion qu'acrèdite qu'es elegits an aquerit era condicion plea de membres deth Conselh Generau d'Aran e qu'exercissen efectivament eth cargue, e presentar un aval bancari deth 10 % der avançament dera subvencion autrejada o ben sollicitar era retencion dera part corresponenta deth montant dera subvencion.

Eth DP notifiquèc era resolucion d'autrejamet dera subvencion electorau e de pagament der avançament deth 90 % tàs dues formacions politiquas damb dret a perceber-la laguens deth tèrme de 30 dies posteriors ara presentacion dera comptabilitat establít per article 133.4 dera LOREG e er article 5.1 deth Decrèt 64/2023.

Andues formacions sollicitèren era retencion deth 10 % der avançament dera subvencion autrejada entà èster ingressada a nòm de cada formacion ena Caisha Generau de Depòsits dera Generalitat, de 491,25 € per UA-PSC e 175,95 € per CDA-PNA.

Ara data de finalizacion deth trabalh de camp, 6 de noveme deth 2023, totes 2 formacions auien presentat era documentacion corresponenta e eth DP auie tramitat eth pagament der avançament deth 90 %. Eth pagament efectiu des avançaments se hec eth 2 de noveme deth 2023, data qu'excedie eth tèrme de 30 dies entà pagar era subvencion establida en article 5.1 deth Decrèt 64/2023, que finalizaue eth 30 d'octobre.

Eth crubament d'aguest avançament non demore rebutat enes comptabilitats electoraus analisades, per çò qu'ei posterior ara presentacion des compdes electoraus deuant dera Sindicatura.

2.4. DESPENES ELECTORAUS

2.4.1. Limit de despenes per operacions ordinàries e remesa electorau subvencionable

Eth Decrèt 64/2023 establís qu'enes eleccions ath Conselh Generau d'Aran cap partit, federacion, coalicion o agropacion d'electors pòt despassar, per despenes electoraus, eth limit que resulte de multiplicar per 0,22 € eth nombre d'abitants dera poblacion de dret des circoscripcions electoraus a on presenten candidatures e qu'aguesta quantitat pòt incrementar-se a rason de 1.702,59 € per cada circoscripcion a on presenten candidatures.

Enes eleccions ath Conselh Generau d'Aran deth 2023 eth nombre d'abitants dera poblacion de dret des circoscripcions electoraus a on se presentèren candidatures siguec de 10.268 e eth nombre d'electors, segons donades definitives deth burèu deth cens electorau, de 7.309.

Era quantitat subvencionada corresponenta ara remesa electorau non s'includís laguens deth limit que s'establís en Decrèt 64/2023. Maugrat açò, s'a de justificar era realizacion efectiva dera activitat entara quau s'autrege era subvencion.

Entath compliment deth limit de despenes ordinàries establides pera LOREG, es despenes de remesa electorau non subvencionables s'an d'ahíger as despenes ordinàries justificades pes formacions politiques.

D'acòrd damb aguesta normativa, eth limit de despenes electoraus ei eth següent:

Quadre 5. Limit de despenes electoraus ordinàries

Formacion politica	Poblacion de dret (A)	Èuros per abitant (B)	Montant (C=AxB)	Circscripcions			Limit de despenes ordinàries (G=C+F)	Limit de despenes per remesa electorau subvencionables (H)	Limit totau (E=G+H)
				Nombre (D)	Èuros/unitat (E)	Montant (F=DxE)			
UA-PSC	10.268	0,22	2.258,96	6	1.702,59	10.215,54	12.474,50	1.681,07	14.155,57
CDA-PNA	10.268	0,22	2.258,56	6	1.702,59	10.215,54	12.474,50	1.451,07	13.925,57
Totau	-	-	4.517,92	-	-	20.431,08	24.949,00	3.132,14	28.081,14

Montants en èuros.

Hònt: Elaboracion pròpria.

2.4.2. Soslimits de despenes ordinàries

Es articles 55 e 58 dera LOREG establissen 2 soslimits addicionaus laguens des despenes ordinàries:

- Es despenes en publicitat exteriora (afiches, bandaròles e placardes) non pòden excedir eth 20 % deth limit maxim de despenes ordinàries, ei a díder 2.494,90 € per cada formacion politica.
- Es despenes en publicitat en premsa periodica e emissores de ràdio de titularitat privada non pòden despassar eth 20% deth limit maxim de despenes ordinàries, ei a díder, 2.494,90 € per cada formacion politica.

2.5. REGULARITAT DES COMPTABILITATS ELECTORAUS

D'acòrd damb er article 133.1 dera LOREG, es formacions politiques que complisquen es requisits exigidi entà percéber es subvencions electoraus (veigatz eth quadre 2) o qu'agen sollicitat avançaments a cargue d'aguestes subvencions an de presentar deuant dera Sindicatura de Compdes era comptabilitat electorau enter es 100 e es 125 dies posteriors as eleccions.

Totes es formacions politiques qu'enes eleccions deth 2023 an obtengut representacion ath Conselh Generau d'Aran an presentat era comptabilitat electorau mejançant era sedença electronica dera Sindicatura de Compdes, en tèrme mencionat, d'acòrd damb çò qu'establís era Instruccion entà contrarotlar era comptabilitat electorau.

Enes apartats següenti, per cada formacion politica, se mòstren es quadres resumit des aspectes mès significatius dera activitat economica derivada dera campanha electorau, se detalhen es deficiències e irregularitats observades, e, s'esquè, s'includís era prepausa de reduccion o non adjudicacion dera subvencion prevista en article 134.2 dera LOREG.

2.5.1. Unitat d'Aran – Partit des Socialistes de Catalonha

Es donades facilitades pera coalicion politica Unitat d'Aran – Partit des Socialistes de Catalonha son es següentes:

Quadre 6. Origina des recorsi declaradi

Concèpte	Montant
Aportacions de persones fisiques o juridiques	-
Aportacions deth partit	12.539,90
Avançaments dera administracion	1.227,67
Operacions d'endeutament	-
Ingrèssi financèrs	-
Totaus recorsi declaradi	13.767,57

Montants en èuros.

Hònt: Unitat d'Aran – Partit des Socialistes de Catalonha.

Quadre 7. Despenes per operacions ordinàries

Concèpte	Montant
(A) Despenes declarades	12.256,89
(B) Despenes non subvencionables	-
(C) Despenes per remesa electorau justificades non curbides pera subvencion	-
Totaus despenes electoraus ordinàries justificades (A+B+C)	12.256,89

Montants en èuros.

Hònt: Elaboracion pròpria.

Quadre 8. Despenes per remesa electorau

Concèpte	Montant
(A) Despenes declarades	1.509,90
(B) Despenes non subvencionables	39,26
Totaus despenes electoraus per remesa electorau (A+B)	1.470,64
Subvencion teorica a recéber	1.681,07
Subvencion maxima a recéber segons remesa electorau realizada	* 1.677,39
Despenes per remesa electorau justificades non curbides pera subvencion	-

Montants en èuros.

Hònt: Elaboracion pròpria.

* Correspon ath calcul dera subvencion de 0,23 € pes 7.293 remeses.

Quadre 9. Limits de despenes deth procès electorau

Concèpte	Montant/situacion
Limit maxim de despenes ordinàries	12.474,50
Despenes a considerar ar efècte deth limit maxim de despenes	12.256,89
Excès en limit de despenes ordinàries	Non
Limit de despenes de publicitat exteriora (article 55 LOREG)	2.494,90
Despenes a tier en compde ar efècte deth limit	2.300,63
Excès en limit de despenes de publicitat exteriora	Non
Limit de despenes de publicitat en premsa e ràdio (article 58 LOREG)	2.494,90
Despenes a tier en compde ar efècte deth limit	-
Excès en limit de despenes de publicitat en premsa e ràdio	Non

Montants en èuros.

Hònt: Elaboracion pròpria.

Quadre 10. Tresauraria

Concèpte	Situacion
Compde bancari electorau	Òc
Hons non ingressadi en compde electorau	Non
Pagaments realizadi dehòra deth compde electorau	Non
Resultat de tresauraria	1,88
Deute damb provedidors	Non
Provision per interèssi financèrs	n/a

Montant en èuros.

Hònt: Elaboracion pròpria.

n/a: Non aplicable.

Verificacions formaus

Era comptabilitat electorau corresponenta as eleccions ath Conselh Generau d'Aran der an 2023 siguec remesa, mejançant era sedença electronica dera Sindicatura de Compdes, eth 28 de seteme deth 2023, d'acòrd damb era Instruccion entà contrarotlar era comptabilitat electorau e laguens deth tèrme legauement establìt. Ei corrèctament formalizada e presente coerència intèrna.

Origina des recorsi declaradi

Era aportacion realizada a compdar dera tresauraria ordinària deth partit ath compde electorau a estat verificada damb çò que figure en certificat signat peth secretari de finances e administrador generau dera candidatura, que declare que se transferiren 12.580,00 € deth compde ordinari deth partit ath compde electorau e que posteriorament se retornèren ath compde ordinari deth partit 40,10 €, hèt peth quau resultèc ua aportacion neta de 12.539,90 €.

Era formacion UA-PSC includís ena sua comptabilitat, coma ingrès en concèpte de subvencions electoraus, eth maxim disponible a recèber per remesa electorau, ei a díder, 1.681,07 €, maugrat qu'era despena declarada per aquest concèpte siguec de 1.509,90 €.

Despenes per operacions ordinàries

Es despenes ordinàries corresponen as categories der article 130 dera LOREG: propaganda e publicitat, despenes de desplaçament e totes aqueres que siguen necessàries entara organizacion e foncionament des burèus e servicis que calgue entàs eleccions.

Eth montant totau des despenes electoraus ordinàries declarades ei de 12.256,89 €, eth quau non despasse eth limit maxim de despenes ordinàries establít ena normativa electorau.

Eth limit de despena de publicitat exteriora e eth de despena de publicitat en premsa periodica e emissores de ràdio de titularitat privada, de 2.494,90 € cadun, non an estat despassadi.

Despenes per remesa electorau

Es despenes declarades per remesa electorau corresponen a concèptes coma envelòpes e bulletins de vòt. Eth montant totau des despenes declarades per remesa electorau ei de 1.509,90 €.

Era Sindicatura a detectat qu'eth nombre totau de manaments despasse eth nombre d'electors en 5 des 6 terçons. Eth nombre totau de manaments siguec de 7.504, superior en 195 ath cens electorau, qu'ei de 7.309. Atau, er excès de manaments ei d'un 2,60 % sus eth nombre totau de manaments. Era quantificacion d'aquest excès ei de 39,26 €, montant que se considèra non subvencionable.

Coma conseqüència d'açò, eth montant totau des despenes per remesa electorau justificades e subvencionables ei de 1.470,64 €, eth quau non despasse eth limit maxim de despenes subvencionables per remesa establít ena normativa electorau.

Tresauraria

Es despenes electoraus an estat pagades laguens des 90 dies establídi per article 125.3 dera LOREG mejançant eth compde corrent electorau.

Informacion de provedidors

D'acòrd damb er article 133.5 dera LOREG, es enterpreses qu'agen facturats mès de 10.000,00 € en concèpte de despenes electoraus an de comunicà'c ar organ de contraròtle extèrn. Non i a cap provedidor qu'age despassat aquest montant.

Prepauza

D'acòrd damb eth resultat deth trabalh realizat, e en tot tier en compde era Instruccion entà contrarotlar era comptabilitat electorau aprovada per acòrd deth Plen dera Sindicatura de Compdes, aguesta institucion declare qu'es despenes justificades pera formacion politica UA-PSC son es incluides en quadre següent e non aprècie irregularitats que impliquen cap prepauza de reduccion dera subvencion electorau ne de non adjudicacion prevista en article 134.2 dera LOREG.

Era subvencion qu'a de recéber era formacion politica s'a d'ajustar ara despena justificada, d'acòrd damb er article 127.1 dera LOREG, segons eth calcul següent:

Quadre 11. Subvencion a recéber

Subvencion	Subvencion teorica	Despenes justificades	Subvencion que correspon
Per resultats electoraus	3.948,38	12.256,89	3.948,38
Per remesa electorau	1.677,39	1.470,64	1.470,64
Totau	5.625,77	13.727,53	5.419,02
Avançament Administracion Generalitat (30 %)			1.227,67
Avançament Administracion Generalitat (90 %)*			3.193,53
Totau en suspens			997,82

Montants en èuros.

Hònt: Elaboracion pròpria.

* Includís era fidança de 491,25 € (veigatz eth quadre 4).

2.5.2. Convergència Democratica Aranesa – Partit Nacionalista Aranés

Es donades facilitades pera coalicion politica Convergència Democratica Aranesa – Partit Nacionalista Aranés son es següentes:

Quadre 12. Origina des recorsi declaradi

Concèpte	Montant
Aportacions de persones fisiques o juridiques	-
Aportacions deth partit	12.000,00
Avançaments dera Administracion	-
Operacions d'endeutament	-
Ingrèssi financèr	-
Totaus recorsi declaradi	12.000,00

Montants en èuros.

Hònt: CDA-PNA.

Quadre 13. Despenes per operacions ordinàries

Concèpte	Montant
(A) Despenes declarades	4.285,61
(B) Despenes non subvencionables	-
(C) Despenes per remesa electorau justificades non curbides pera subvencion	6.187,30
Totaus despenes electoraus ordinàries justificades (A+B+C)	10.472,91

Montants en èuros.

Hònt: Elaboracion pròpria.

Quadre 14. Despenes per remesa electorau

Concèpte	Montant
(A) Despenes declarades	7.667,70
(B) Despenes non subvencionables	45,66
Totaus despenes electoraus per remesa electorau (A+B)	7.622,04
Subvencion teorica maxima a recéber	1.451,07
Subvencion maxima a recéber segons remesa electorau realizada	* 1.434,74
Despenes per remesa electorau justificades non curbides pera subvencion	6.187,30

Montants en èuros.

Hònt: Elaboracion pròpria.

* Correspon ath calcul dera subvencion de 0,23 € pes 6.238 remeses.

Quadre 15. Limits de despenes deth procès electorau

Concèpte	Montant/situacion
Limit maxim de despenes ordinàries	12.474,50
Despenes a tier en compde ar efècte deth limit maxim de despenes*	10.817,00
Excès en limit de despenes ordinàries	Non
Limit de despenes de publicitat exteriora (article 55 LOREG)	2.494,90
Despenes a tier en compde ar efècte deth limit	-
Excès en limit de despenes de publicitat exteriora	Non
Limit de despenes de publicitat en premsa e ràdio (article 58 LOREG)	2.494,90
Despenes a tier en compde ar efècte deth limit	-
Excès en limit de despenes de publicitat en premsa e ràdio	Non

Montants en èuros.

Hònt: Elaboracion pròpria.

* Includís 344,09 € pera despena electorau non declarada.

Quadre 16. Tresauraria

Concèpte	Situacion
Compde bancari electorau	Òc
Hons non ingressadi en compde electorau	Non
Pagaments realizadi dehòra deth compde electorau	Òc
Restant de tresauraria	46,69
Deute damb provedidors	Non
Provision per interèssi financèrs	n/a

Montant en èuros.

Hònt: Elaboracion pròpria.

n/a: Non aplicable.

Verificacions formaus

Era comptabilitat electorau corresponenta as eleccions ath Conselh Generau d'Aran der an 2023 siguec remesa, mejançant era sedença electronica dera Sindicatura de Compdes, eth 23 de seteme deth 2023, d'acòrd damb era Instruccion entà contrarotlar era comptabilitat electorau e laguens deth tèrme legaument establít. Ei corrèctament formalizada e presente coeréncia intèrna, exceptat ena presentacion des despenes de remesa electorau que se mencione seguidament:

Era formacion politica declarèc iniciaument ara Sindicatura que non auie despenes de trama electorau, compde tengut que se hège damb mejans pròpris, e considerèc tota era despena coma ordinària. Un còp era Sindicatura li comunicuèc aguesta incidéncia notifiquèc que dera totalitat dera despena declarada, 7.667,70 € corresponien a despena per remesa electorau. Es quadres anteriors ja incorporèn era rectificacion.

Origina des recorsi declaradi

Es aportacions realizades a compdar dera tresauraria ordinària deth partit as compdes electoraus per 12.000,00 € an estat verificades damb es que figuren en certificat signat per administrador deth partit.

En resumit d'ingrèssi presentat per CDA-PNA se declaren erronèament subvencions públiques per 12.000,00 € quan eth montant maxim a recéber ei de 1.955,00 € per resultats electoraus e 1.451,07 € per remeses electoraus.

Despenes per operacions ordinàries

Es despenes ordinàries corresponen as categories der article 130 dera LOREG: propaganda e publicitat, despenes de desplaçament e totes aqueres que siguen de besonh entara organizacion e foncionament des burèus e servicis que calgue entàs eleccions.

Eth montant des despenes electoraus ordinàries declarades ei de 4.285,61 €, ath quau s'a d'ahíger eth montant des despenes per remesa electorau non curbides pera subvencion de 6.187,30 €. Alavetz, eth montant totau des despenes electoraus ordinàries justificades e subvencionables ei de 10.472,91 €, eth quau non despasse eth limit maxim de despenes ordinàries establít ena normativa electorau.

Era formacion non a declarat despenes en publicitat exteriora ne de publicitat en premsa periòdica e emissores de ràdio de titularitat privada, alavetz, eth limit de 2.494,90 € non a estat despasat.

Despenes per remesa electorau

Tau e coma s'a mencionat, era formacion politica non declarèc iniciaument despenes per remesa electorau maugrat qu'era sua comptabilitat les recuelhie. Posteriorament manifestèc qu'ère ua error e declarèc 7.667,70 € per concèptes coma envelòpes, bulletins de vòt e materiau grafic entara remesa.

Era Sindicatura a detectat qu'eth nombre totau de manaments despasse eth nombre d'electors en 1 des 6 terçons. Eth nombre totau de manaments siguec de 7.221, superior ath cens electorau en 43 electors deth terçon de Pujòlo. Atau, er excès de manaments ei d'un 0,60 % sus eth nòmbe totau de manaments. Era quantificacion d'aguest excès ei de 45,66 €, que se considère non subvencionable.

Era despena per remesa electorau de 7.622,04 € despasse en 6.187,30 € eth montant dera subvencion maxima a recéber per aguest concèpte segons es remeses reaus efectuades. Eth montant des despenes justificades per remeses electoraus qu'era subvencion a percéber non curbisque incremente es despenes declarades pera activitat electorau ordinària, tau coma s'explique en apartat 2.3.1.

Tresauraria

Es despenes electoraus an estat pagades laguens des 90 dies establídi per article 125.3 dera LOREG e mejançant eth compde corrent electorau, damb es excepcions següentes:

Era Sindicatura a detectat, en compde electorau, eth pagament dera retencion d'IRPF de 2 factures per 309,08 € dehòra deth compde electorau e non declarat coma despena subvencionable mès sense despassar eth limit totau de despenes.

Era Sindicatura tanben a detectat ua despena de 35,01 € de corrèus per remesa electorau, registrada en compde corrent e ena comptabilitat des eleccions municipaus.

Aguesti 2 hèts inacoplissen er article 125.1 dera LOREG, qu'establís que totes es despenes electoraus s'an de pagar a compdar deth compde electorau.

Era despena electorau non declarada ena comptabilitat presentada per 344,09 € s'a tengut en compte a efèctes deth compliment deth limit maxim de despenes (veigatz eth quadre 15).

Informacion de provedidors

D'acòrd damb er article 133.5 dera LOREG, es enterpreses qu'agen facturats més de 10.000,00 € en concèpte de despenes electoraus an de comunicà'c ar organ de contraròtle extèrn. Non i a cap provedidor qu'age despassat aquest montant.

Prepauza

D'acòrd damb eth resultat deth trabalh realizat, e en tot tier en compte era Instruccion entà contrarotlar era comptabilitat electorau aprovada per acòrd deth Plen dera Sindicatura de Compdes, aquesta institucion declare qu'es despenes justificades pera formacion politica CDA-PNA son es includides en quadre següent e non aprècie irregularitats qu'impliquen cap prepauza de reduccion dera subvencion electorau ne de non adjudicacion prevista en article 134.2 dera LOREG.

Era subvencion qu'a de recéber era formacion politica s'a d'ajustar ara despena justificada d'acòrd damb er article 127.1 dera LOREG, segons eth calcul següent:

Quadre 17. Subvencion a recéber

Subvencion	Subvencion teorica	Despenes justificades	Subvencion que correspon
Per resultats electoraus	1.955,00	10.472,91	1.955,00
Per remesa electorau	1.451,07	1.434,74	1.434,74
Totau	3.406,07	11.907,65	3.389,74
Avançament Administracion Generalitat (30 %)			-
Avançament Administracion Generalitat (90 %)*			1.583,55
Totau en suspens			1.806,19

Montants en èuros.

Hònt: Elaboracion pròpria.

* Includís era fidança per 175,95 € (veigatz eth quadre 4).

2.6. SUBVENCIONS AS ELECCIONS ATH CONSELH GENERAU D'ARAN DETH 26 DE MAI DETH 2019

Eth repòrt 19/2019 dera Sindicatura de Compdes, relatiu as eleccions ath Conselh Generau d'Aran der an 2019, siguec aprovat mejançant era Resolucion 871/XII deth Parlament de Catalonha, deth 16 de junhsèga deth 2020, que persutèc eth Govèrn a seguir-ne es recomanacions.

Era Resolució deth 8 d'octubre deth 2020 deth secretari generau de Transparéncia e Govèrn Dubèrt deth Departament d'Accion Exteriora, Relacions Institucionaus e Transparéncia aprovèc eth pagament pendent dera subvenció deth 2019 per 328,56 € e era anul·lació dera garentida ara formació política CDA-PNA per 296,32 €.

Eth 14 d'octubre deth 2020 per resolució deth madeish secretari generau s'ordenèc eth reïntegrament der excès percebut e era retenció dera garentida dera subvenció electorau autrejada ara formació política UA-PSC-CP. Eth reïntegrament se hec mejançant era retenció dera garentida per 515,60 € e damb un transferiment dera formació política per 548,19 € deth 16 d'octubre deth 2020.

3. CONCLUSIONS

Totes es formacions polítiques qu'an era obligació de hè'c an presentat era comptabilitat electorau ara Sindicatura de Compdes en tèrme establít.

Totes es formacions polítiques an complít eth límit generau màxim de despena electorau e es soslímits de publicitat establít enes articles 55 e 58 dera LOREG.

D'acòrd damb er objècte, era portada e era metodologia utilizada en aquest repòrt, detallhadi ena introducció, era Sindicatura de Compdes declare qu'es despenes justificades per cada des formacions polítiques contrarotlades son es incluídes enes quadres 11 e 17 anteriors e prepausa que non s'aplique cap reducció o era non adjudicació dera subvenció electorau prevista ena normativa electorau.

3.1. OBSERVACIONS

Seguidament s'inclúissen es observacions més significatives que s'an metut en evidéncia deth treball de fiscalizació dera comptabilitat electorau:

1. Ara data de finalizació deth treball de camp, 6 de noveme deth 2023, eth DP auie emetut es resolucions d'autrejamet de subvenció e de pagament der avançament deth 90 % laguens deth tèrme de 30 dies posteriors ara presentació dera comptabilitat electorau establít en article 133.4 dera LOREG e en article 5.1 deth Decrèt 64/2023.

Ei requisít prealable ath liurament der avançament qu'es formacions polítiques presenten un aval e un certificat qu'acredite qu'es elegíts an aquerít era condició plea de membres deth Conselh Generau d'Aran e qu'exercissen eth càrregue.

Andues formacions presentèren era documentacion corresponenta ath DP e sollicitèren era retencion deth 10 % coma fidança a ingressar ena Caisha Generau de Depòsits dera Generalitat, per 491,25 € UA-PSC e per 175,95 € CDA-PNA. Eth pagament efectiu der avançament deth 90 % se hec eth 2 de noveme deth 2023, data qu'excedie deth tèrme de 30 dies entà pagar era subvencion establida en article 5.1 deth Decrèt 64/2023, que finalizaue eth 30 d'octobre (veigatz er apartat 2.3.2).

2. Totes 2 formacions politiques despassèren eth nombre totau de manaments per remesa electorau en relacion damb eth nombre d'electors.

D'un costat, era formacion UA-PSC lo despassèc en 5 des 6 terçons. Aquest excès de manaments representèc un 2,60 % sus eth nombre totau de manaments. Alavetz, eth montant excedit non subvencionable ei de 39,26 € (veigatz er apartat 2.5.1).

D'un aute costat, era formacion CDA-PNA lo despassèc en 1 des 6 terçons. Aquest excès de manaments representèc un 0,60 % sus eth nombre totau de manaments. Alavetz, eth montant excedit non subvencionable ei de 45,66 € (veigatz er apartat 2.5.2).

3. Era formacion UA-PSC includís ena sua comptabilitat coma ingrès en concèpte de subvencions electoraus eth maxim disponible a recéber per remesa electorau, ei a díder, 1.681,07 €, maugrat qu'era despena declarada per aquest concèpte siguec de 1.509,90 € (veigatz er apartat 2.5.1).
4. Ena comptabilitat electorau de CDA-PNA era Sindicatura a detectat eth pagament dera retencion d'IRPF de 2 factures per 309,08 € dehòra deth compde electorau e non declarat coma despena subvencionable, mès sense despassar eth limit totau des despenes.

Era Sindicatura tanben a detectat ua despena de 35,01 € de corrèus per remesa electorau, enregistrada en compde corrent e ena comptabilitat des eleccions municipaus.

Aguesti 2 hèts incomplissen er article 125.1 dera LOREG, que dispause que totes es despenes electoraus s'an de pagar a compdar deth compde electorau dera formacion CDA-PNA (veigatz er apartat 2.5.2).

5. En resumit d'ingrèssi presentadi per CDA-PNA se declaren erroneament subvencions públiques per 12.000,00 € quan eth montant maxim a recéber ei de 1.955,00 € per resultats electoraus e 1.451,07 € per remeses electoraus (veigatz er apartat 2.5.2).

3.2. RECOMANACIONS

Seguidament s'includissen es recomanacions sus aspèctes que afècten es procèssi electoraus e que calerie que siguessen adequadament tractadi pera normativa electorau aplicable e en encastre corresponent:

1. Eth legislador aurie de precisar es concèptes, era imputacion e era justificacion des despenes electoraus incluides en article 130 dera LOREG e especificar damb eth major detalh possible es despenes electoraus pera remesa d'envolòpes e paperòts de propaganda electorau.
2. Er article 1.2 deth Decrèt 64/2023 e er article 175.2 dera LOREG vinculen eth limit de despenes electoraus ath nombre d'abitants que son poblacion de dret enes circoscripcions electoraus a on se presenten candidatures, qu'entad aquestes eleccions siguec de 10.268. Era campanha electorau des formacions politiques entàs eleccions deth 2023 s'adrecèc a 7.309 electors. Entà futures eleccions, serie mès ajustat vincular eth limit de despenes electoraus ath nombre d'electors ath quau va adreçada era campanha electorau (veigatz er apartat 2.4.1).
3. Era LOREG establís limits de despenes en publicitat exteriora e en publicitat en premsa e emissores de ràdio privada sense detalhar-ne clarament era natura. Calerie desplegar reglamentàriament era normativa entà identificar de forma mès clara es concèptes de despenes que s'an d'includir en aquesti classaments: dessenh, edicion, montatge, etc.

4. TRAMIT D'ALLEGACIONS

D'acòrd damb era normativa en vigor, eth projècte de repòrt de fiscalizacion siguec remanat as destinataris següenti: Departament dera Presidència, Convergència Democràtica Aranèsa – Partit Nacionalista Aranés e Unitat d'Aran – Partit des Socialistes de Catalonha, eth 22 de noveme deth 2023 entà complir eth tramit d'allegacions.

4.1. ALLEGACIONS RECEBUDES

Es escrits d'allegacions presentadi pes diferenti destinataris ara Sindicatura de Compdes se reproduisissen seguidament.¹

1. Es escrits originaus èren redigidi en catalan. Aciu figuren reviradi ar aranés.

Unitat d'Aran– Partit des Socialistes de Catalonha

UA
Unitat d'Aran
PSC

Escrit de presentacion d'allegacions a un projècte de repòrt

A: Sr. Miquel Salazar Canalda
Sindic Major
Sindicatura de Compdes
Via Laietana, 60, 08003 Barcelona

Anna Vergés Pérez, major d'edat, damb DNI numèro [...], Administradora electorau dera coalicion Unitat d'Aran (UA) - Partit des Socialistes de Catalonha (PSC), e damb domicili a efèctes de notificacions en Carrèr Molières, 2, locau 5 de Vielha, compareish e, coma procedisque en Dret,

EXPAUSE:

Que dempús de recéber eth sòn projècte de repòrt en data 23 de noveme de 2023 damb era sua Referéncia 36/2023-G sus era fiscalizacion des eleccions ath Conselh Generau d'Aran celebrades eth 28 en mai de 2023.

Que segons aquerò que dispause era Lei 18/2010 e eth Reglament de regim intèrn dera Sindicatura de Compdes sus era presentacion d'allegacions qu'era entitat contrarotlada considèra oportunes.

Que mejançant aquest escrit, notifique ara Sindicatura de Compdes que NON presentarà cap allegacion.

Per tot açò,

SOLLICITE:

Que se considèra presentat en temps e forma, e s'admete a tramit, aquest escrit.

En Vielha, 24 de Noveme de 2023

Anna Vergés Pérez
Administradora
Eleccions ath Conselh Generau d'Aran, 2023

Departament dera Presidència

Generalitat
de Catalonha
Departament dera Presidència

Sr. Miquel Salazar Canalda
Sindic Major dera Sindicatura de Compdes de Catalonha
Via Laietana, 60 – 08003 Barcelona

Senhor,

En resposta ath vòste escrit de 22 de noveme de 2023 per mejan deth quau me manàuetz eth projècte de repòrt de fiscalizacion num. 36/2023-G, corresponent as eleccions ath Conselh Generau d'Aran de 2023, entà que i podesse presentar alle-gacions, m'esquè informar-vos que, un còp liejut e analisat eth document, non se con-sidère de besonh presentar cap allegacion compde tengut dera conformitat damb eth contengut deth projècte de repòrt.

Egaument, s'a prenut nòta des observacions e recomanacions contengudes enes apartats 3.1 e 3.2 respectivament entà per'mor de contribuïr ara melhora de futurs procèssi.

Atentament,

Núria Cuenca Leon
Era secretària generau

Convergència Democràtica Aranesa - Partit Nacionalista Aranés

Sindicatura de Compdes de Catalonha
Via Laietana 60
08003 Barcelona

JOAN PAU PERDICES PLA, damb DNI [...], coma Administrador Electoral deth Partit Convergència Democràtica Aranesa - Partit Nacionalista Aranés (CDA-PNA) as elec-cions deth 28 de mai de 2023 ath Conselh Generau d'Aran, damb CIF G25358094 e domicili per notificacions en Plaça Còto Marçó 5, baishi – 25530 Vielha, e entà notifi-cacions electroniques a cda@convergencia-aranesa.org

EXPAUSE

Que per çò qu'ei deth repòrt de fiscalizacion dera Sindicatura de Compdes correspo-nent as Eleccions ath Conselh Generau d'Aran de 28 de mai de 2023, per part deth

partit Convergència Democràtica Aranese – PNA, non se presente cap alegacion ath mencionat repòrt.

Atentament

Joan Pau Perdices Pla
Administrador Electoral

Vielha, 4 de deseme de 2023

4.2. TRACTAMENT DES ALLEGACIONS

Es alegacions formulades an estat analisades e avalorades pera Sindicatura de Compdes. Eth tèxte deth projècte de repòrt non s'a modificat pr'amor qu'enes escrits presentadi pes formacions politiquas e peth Departament dera Presidència aguesti manifèsten que non an cap alegacion a hèr.

APROBACION DETH REPÒRT

Certifiqui qu'en Barcelona, eth 19 de deseme deth 2023, reünit eth Plen dera Sindicatura de Compdes, presidit peth sindic major, Miquel Salazar Canalda, damb era assistència des sindic Anna Tarrach Colls, Manel Rodríguez Tió, Llum Rodríguez Rodríguez, M. Àngels Cabasés Piqué, Ferran Roquer i Padrosa e Josep Viñas i Xifra, e dera secretària generau per suplència dera Sindicatura, Marta Junquera i Bernal, en tot agir coma ponent eth sindic major, Miquel Salazar Canalda, damb deliberacion prealabla s'acòrde aprovar eth repòrt de fiscalizacion 35/2023, relatiu as eleccions ath Conselh Generau d'Aran der an 2023.

E, pr'amor qu'atau cònste e age es efèctes que corresponen, signi aguesta certificacion, damb era aprobacion deth sindic major.

[Signatura digitau de Marta Junquera i Bernal]

Era secretària generau per suplència

Aprobacion,

[Signatura digitau de Miquel Salazar Canalda]

Eth sindic major

